

**Kain rentang guna foto sultan, polis soal Anwar
Malaysiakini.com
August 18, 2010**

Tiga anggota polis sedang menyoal-siasat ketua umum PKR, Datuk Seri Anwar Ibrahim di ibu pejabat parti itu di Tropicana, Petaling Jaya.

Anwar yang juga ketua pembangkang tiba pada jam 10.38 pagi ini dengan diiringi oleh tiga pengawal keselamatannya.

Turut hadir selepas itu adalah ketua penerangan PKR, Latheefa Koya dan bendahari PKR William Leong, yang juga merupakan peguamnya.

Seorang pegawai kanan polis yang diiringi oleh dua anggotanya dari ibu pejabat polis daerah Batu Pahat, Johor tiba pada jam 11:44 pagi.

Adalah dipercayai Anwar disoal berhubung kemunculan misteri beberapa kain rentang di Johor yang memaparkan gambarnya bersama ketua PKR Johor, Datuk Chua Jui Meng bersama Sultan Johor, Sultan Ibrahim Iskandar.

Kain rentang itu didakwa oleh penyokong dan pemimpin Umno, termasuk oleh Timbalan Perdana Menteri, Tan Sri Muhyiddin Yassin sebagai tindakan tidak bertanggungjawab kerana mengheret Raja-raja Melayu ke kancah politik.

Bagaimanapun Chua yang turut didakwa sebagai calon PKR untuk menjadi menteri besar dan beberapa pemimpin PKR lain menafikan parti itu bertanggungjawab menaikkan kain rentang berkenaan dan telah membuat laporan polis.

Mereka sebaliknya menuduh Umno sebagai dalang di sebalik kain rentang itu.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/140394>